

verbliben / vnd nicht weiter geschritten.

Es ist auch zu der selbigen zeit das gehenß mit den zwölffzeichen vnd dem Mondscheyn so außwendig vor der Kirchen steht / gemacht worden / das von dem jetzigen neuen werck ein trib gieng / wie dann jezmalen zu sehen / durch welchen der Soñen vñ des Monds lauff / vnd seine Mondscheyn zusehē waren / aber wie vorgemelt alles verbliben.

Diß hab ich kurtzlich wollen erzelen von den zweyen Uhrwercken / dem alten so im gang vorlangem alten zeyten gewesen / vnd dem so angefangen aber nicht ins werck volbracht / vnd zu ende gefürt worden.

Von dem neuen Astronomischen Uhrwerck so jezmalen auffgericht.

Das ander Capittel.

Dach der zeyt als dises vorgemelt Uhrwerck angefangen war / ist ettlich malen darumb angesücht worden bey meinē G. G. S. durch etliche Uhrenmacher / aber meine G. G. S. nicht rhatfam solches befunden. Zu lest Anno 1571 kurtz vor Johannis Baptiste kam alher von Schaffhausen Isaac Habrecht vnd Josias Habrecht gebrüder / vñ zu derselbigen zeit burger zu Schaffhausen / deren ein jeder hatte ein sonder Uhrwerck gemacht / der ein dz
Astro.